



Kum 2020 Yoikawkpwai cu kä sho pha sei mi bi law khai. A i haw kha me pek vai ci cu a k'ni hta ah na teng tu vai.



Kä na gai gawng ngai nung imm ah na om e vai. Sheibaw khü ne a ni m'hte tu vai ah na pyein vai.



Tumat la tumat dawng 6 ng'lak na ne om vai.



A k'pung ah na hteh päng nung m'gawng la hna hlawp nak (Mask) awn na m'gawng la na hna na hlawp vai.



Kut ng'pang tu ne kä ng'hnuksat tu vai.



Na kut kä m'shi ne na mikhmai kä na hang bi



A ni m'siu, a ni m'khuh ah a kyak nung titshu (kä cu nung) na kut khep ne na m'gawng la na hna na shungshet vai.



Satpya la tui awn munit 20 shou khai ah a k'ni hta ah na kut na m'shih vai.



Na htung mang pyi ah titshu gui cu a k'ni hta ah k'sheksham ghawh 'nak (ahmaihpung) khui ah m'tawk ne na ghawh vai. Na kut theing hta khai ah na m'shih ba vai.


Covid 19 naw na me pek vai kä ni m'häu sak sä. Gaigawngnak wanyi htanah naw a na m'shüm gui ah lam na lak vai. Na imm pei lo ng'gi na üp oi sak vai. Sandah me na pek sang gawipyam sa nak nak naw kä a ni k'et vai ah ng'ngaih na ne na omih tu vai. Mi van naw shin ah yoikawkpawi a k'ni ah ng'pyi päng sei me mi pek tu hning vai la Covid-19 mi hei phlän tak hning vai ah van naw mi ng'lunglak na ghawm khai nei.



Na sandah me cu na htuh vai

<https://web.facebook.com/uecmyanmar/>
<https://www.uec.gov.mm/>

Nang naw me k'thum vei na pek khai ci ah na hmat vai.



Pyithu Hlawtdaw
A ng'ging awn a mi m'khüm ah mepung a om nak ah htet ne na me na k'ghak vai.



Amyotha Hlawtdaw
A k'pong (akching) awn a mi m'khüm ah mepung a om nak ah htet ne na me na k'ghak vai.




Daing la Pyine Hlawtdaw
Mayanyawng awn a mi m'khüm ah mepung a om nak ah htet ne na me na k'ghak vai.



Me pek khai ah k'chang m'shah cu daiyintha k'chang gui ah phäh ah ng'düi ki ah kosale awn me pek khai ah a kyak nung; Mayanyawng awn a mi m'khüm ah mepung a om nak ah htet ne na me cu na k'ghak vai.

Na mät naw na yum pi ah kosale cu ghü ne me lekhamat ah khan ah a k'ni hta ah dasiktung na k'daih vai cu na hmat vai.




Me imm khui ah luh nak

Me imm caw ah om ki ah me pek khai gui ah ng'ming a mi tai nak nung na me numbat na yap tu ma vai.



A hei me pek law tu ki gui ah k'chang gui awn dawng 6 ng'shawng sei na om vai ah na hmat laih laih vai.



M'gawng la hna hlawp nak ah (Mask) awn a k'ni kyäp hta ah na m'gawng la na hnu cu na hlawp tu vai.



Na kut nung hmin a om pyi la kä a om pha me imm ngäng ki ah k'chang gui awn a k'ni ah na m'hnuh tu gui vai.



A ng'khem gui la m'htäi hta tu vai ah hlü ki ah k'chang gui awn ng'tän ne na mi ng'düih law nung k'hma tu nak gui awn na m'htäi hta tu gui vai.



Doughan nak, Tasiktung daih nak la Me pek nak

Na m'täp ba vai: Me imm khui ah me pek khai k'chang cayin nung ng'ming lethmat hto nak vai ah bawpen na law pui nung ni tu ba khai. Na mät naw pawpen kä na law pui ah a kyak nung a mi tha ah pawpen awn lethmat na hto tu vai.



Na Lak vai: Me lekhamat ning pek khai ah k'chang ah htet ne sandah lekhamat nung na ng'ming lekhamat hto tu ne Pyithu hlawtdaw ah hmaw ah pek vai me lekhamat na lak vai.



Tasiktung na k'daih vai: Na sandah lekhamat cu a u naw kä a ni hmuh hlawt vai ah a mi pyan nak nung hteh pui ne me na pek hlü ah k'chang ah ming pei ah tasiktung daih ne me na pek vai.



Sandahme na k'ghak vai: Na sandahme lekhamat cu khep ne me pung nung na k'ghak vai.



Na tawi ba vai: Amyotha hlawtdaw, Daing la Pyine hlawtdaw gui ah hmaw ah a k'khan ah na bi ah mäih ah khlak 1 nung ka naw akhlak 3 ah khüt sei na sandahme na k'ghak ba vai. Daingyintha k'chang ah na kyak nung Daingyintha k'chang kosale ah hmaw ah me na k'ghak ba vai.



Sandahme na pek awn ah hmin dawk vai ah hmin dawk nak ah na hteh vai: Na kut m'git a shih nak awn na m'shih vai. Second 30 na ngäng ba vai. A ng'pyi nung na k'eng kut hta awn hmin na k'dawk vai. A k'pung ah hteh ba nak vai ah a mi pyan ah m'kawt nung ka naw me imm pung ah na luh law ba vai.



Tubäh cu nang kümpäng sei me na hteh pyi ki ah kyaki.

7

Na Hmat Vai:

Na pek hlü ah kosale k'chang ah pei nung dasiktung daih ne sandah na bi vai. Sandah kä na bi pha nung na sandah lekhamat a shetkhat tawvek ah a kyak nung sandah lekhamat a k'thai na thäh tu ba hning ki nei.

